



partii naleraq

Nuuk, ulloq martsip 23-t 2016

Inatsisartut suleriaasiat § 37 malillugu, immikkoortoq 1 naapertorlugu matumuuna Naalakkersuisunut apeqput imaattoq saqqummiuppara:

Naalakkersuisunut apeqputit:

1. Piffissaq kingulleq politikkikkut tusagassiorfikkullu tupinnanngitsumik tarnikkut innarluuteqartunut atugassarititat eqqartorneqarput, taakkulu katsorsarneqarluarnissaat pingaarutilerujussuuvoq, tamanna qanoq qulakkeerniarneqarpa?
2. Inuup kinaassusaa arlalinnik tunngaveqarpoq, tassanilu pingaarutilimmik aamma kulturikkut kinaassuseqarnerput, tamanna qanoq peqqinnissaqarfimmi qulakkeerneqartarpa?

(Inatsisartunut Ilaasortaq Per Rosing-Petersen, Partii Naleraq)

Tunngavilersuut:

Una danskit nassuiaanerani tamanit akuerisaasumi allagaq tunngavilersuininni ilannguppara, tassanilu immikkut maluginiaqqussavara issusuumik ataatigullu nassuiaanermi titarnilik:

Kulturikkut kinaassuseq, tassaavoq kinaassutsip allanngorarfia inuinnit eqimattanit avitseqatigiiffiusoq, ataatsimoorfiusoq, inunnullu ataasiakkaanut pingaartinneqartut inissisimasoq. Kulturikkut kinaassuseq inuiattut kinaassutsimut assiguvoq, inuillu akornanni aaqjissuuseriaatsit tunngaviusut assigalugit nalinnaasutut naatsorsuutigineqartarluni, soorluli suaassuseq kiisalu inuttut qanoq inissisimaneq eqqarsaatigalugu. Kulturikkut kinaassuseq aamma kinaassutsit allanngorarfii ataatsikkut imarisinnaavai soorlu inuiaqatigiissuseq, nunap immikkortortaaneerseq, kulturip immikkoortortaaneerseq, assigiinngissuseq, upperisatigut inissisimaneq kiisalu inuttut kinaassuseq. **Inuttut kinaassuseq Kulturikkut kinaassutsimiik immikkoortikkuminaappoq,** tassanilu pissutaavoq inuit akornanni atassuteqaqatigiinnermit pinngorami, inuillu akunnerminni kinaassusaat inunnullu ataasiakkaat kinaassusaannut aamma ilaagami. Kulturikkut kinaassutsimik aaliangersimasumik piginnittutut imminut oqariartuutigissagaanni, taava aamma eqimattanuinnaq ilaanerunngilaq, peqataasutut misigissutsikkullu nassuerseq pingaaruteqarluinnartutut tassani

inissimapput. Kulturimi allanngorarfiiit soorlu oqaatsit, angerlarsimaffik, atisat ileqqullu inuup
ataatsip kinaassusaanut allaanerussutaanillu nalunaarsuineri ilisarnaatit atorneqartarput.

Kissatigaara ullut suliffiusut qulit iluanni akineqassallunga